

غدیر بایرامی عمل‌لری/ قارداشلیق عقدی

ارداشلیق عقدی، جامعه‌ده‌کی رابطه‌لری گوجلندیرماق اوچون، اسلامین بؤیوک ابتکارلارینین بیری و غدیر بایرامی گونونون مخصوص عمل‌لریندیر.



قارداشلیق عقدی، جامعه‌ده‌کی رابطه‌لری گوجلندیرماق اوچون، اسلامین بؤیوک ابتکارلارینین بیری و غدیر بایرامی گونونون مخصوص عمل‌لریندیر. اسلام پیغمبری (ص) ایکی خاص زماندا هجرتدن اولگ و هجرتدن سونرا مسلمانلارین انسجامینی ساخلاماق اوچون، مسلمانلار آراسیندا قارداشلیق علاقه‌سی یاراتدی و بوتون مسلمانلاری ایکی ایکی بیری بیری اینن قارداش ائله‌دی. پیغمبرین (ص) معیاری مسلمانلارین هر بیری‌نین قارداشی‌نین معین ائله‌ماقدا، اونلارین خصلت‌لرینی متناسب اولماسی و ایمان درجه‌لرینی یاخینلیغی ایدی.

غدیر سؤزو «گؤل» و «یاغیش سویو پیغیشان یئر» معنا سیندادر. حُم غدیری مکه و مدینه شهرلری آراسیندا و «حُفّه» آدلی بیر یئرده‌دیر. اسلام پیغمبری (ص) حجة الوداع حَجَّینده ذی الحجه‌نین 18-ینده، الله-ین امری اینن اوزون بیر خطبه‌دن سونرا حضرت علی بن ابی طالبی (ع) اؤز وصی‌سی و خلیفه‌سی کیمی جماعته تانیئدی.

اسلام پیغمبری (ص) غدیر گونو بیر ساعتلیق خطبه‌دن سونرا «من هر کیمین آغاسی‌یام، علی‌ده اونون آغاسیدیر» سؤزونو اوچ دفعه تکرار بویوردو کی مسلمانلارین و تاریخین قولاغیندا قالسین. حضرت بو گونو بایرام آدلاندیریپ مراسمیینی یئرینه کتیردی، چادیریندا ایلشیب تبریک دئیئلردن استقبال ائله‌دی.

امیرالمؤمنین (ع) و آیری مطهر اماملار دا (ع) بو گونو عزیز ساییب اونون اوچون عمل‌لر و فضیلتلر ساییلار:

1. اوروچ توتماق کی 60 ایل گناهین کفارہ‌سی ساییلیر.

2. غسل ائتمک.

3. امیر المؤمنین (ع) زیارتینی اوخوماق.

4. ایکی رکعت نماز قیلماق.

5. بو گون ندبه دعاسینی اوخوماق تاکیید اولوب.

6. دین قارداشلارینی گؤرنده بو دعانی اوخوماق: الحمد لله الذی جعلنا من المتمسکین بولایه امیرالمومنین و الائمه علیهم السلام.

هابئله بوگونده گؤل و تمیز پالتارلار گئییمک، انسانلاری سئویندیرمک، اونلاری باغیشلاماق، صله رحم، پای وئرماق، جماعتین مشکل‌لرینی حل ائله‌ماق، مؤمنلر و دوستلارینان گؤروشماق و پیغمبره (ص) صلوات گؤندرماعا تاکیید اولوب.

قارداشلیق عقدینی اوخوماق

قارداشلیق عقدی‌نین اوخونماسی غدیر بایرامی گونونده تاکیید اولسا دا بو گونه مخصوص دئییل و ایلین بوتون گونلرینده اونو اوخوماق اولار. بو عقدی هر دبل و سؤزونن جَدّی اولماق شرطی اینن اوخوماق اولار. اما معمول رسمی بنله‌دیر: انسان الینی دوستونون ساغ الینه وئره و دئییه:

واخيتك في الله و صافيتك الله في الله و عاهدت الله و ملائكته وكتبه و رسله و انبيائه و الائمة المعصومين عليهم السلام علي اني ان كنت من اهل الجنة و الشفاعة و اذن لي بان ادخل الجنة لا ادخلها الا و انت معي

سونرا دوست دئییه: قَبِلت. سونرا او دئییه: اسقطت عنك جميع حقوق الاخوة ما خلا الشفاعة و الدعاء و الزيارة.

بنله لیغیان اونلار ایکیسی معنوی قارداش اولاجاقلار.

عقد صیغه‌سی‌نین متینده گلدیغی کیمی بو قارداشلیغین اقتضاسی، فقط مقابل طرفی زیارت، دعا و شفاعته شریک ائله‌ماقدیر.

قارداشلیق عقدی اخلاقی بیر تعهددیر بونا گؤره ایکی طرفین توافقی اینن لغو اولاییلر و اونون لغوینه مخصوص صیغه بوخدور.

قارداشلیق عقدینده ارث، محرملیق و . . . کیمی فقهی احکام بوخدور. یعنی مثلاً ایکی نفر معنوی قارداش اولاندا بیری بیری‌لریندن ارث آپارمازلار و باجیلاری بیری بیرینه محرم اولماز و هابئله بو عقد آغا و خانم آراسیندا اوخونماز.